



partii naleraq



DEMOKRAATIT



21. maaji 2019

UPA2019/229

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Kangiani, Kalaallit Nunaatalu sineriaani meeqqat ikiorneqarnissaat tunngavigalugu Naalakkersuisut Danskit Naalagaffianut ikioqqullutik saaffiginnissuteqassasut Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortat Partii Naleraq, Demokraatit, Atassut, Suleqatigiisitsisut aamma Inuit Ataqatigiit)

### **Tunngavilersuut:**

Matumuuna inatsisartunut ataatsimoortumik saqqummiussaqaarniarput. Tassalu Inuit ataqatigiit, Demokraatit, Atassut, Suleqatigiisitsisut, Partii Naleraq.

Partiit ataani atsiortut kissaatigaarput Tunumi aammalu Nunap sinnerani isumaginninnikkut ajornartorsiutit aaqiiffiginarlugit ataatsimoorluta ikioqatigiilluta suliassat aallartissagigut Tassami piffissami kingullermi takusagut tusakkagullu sakkortupput, tamannalu aamma tusagaq nunap sinnerani allaaneruallaangilaq.

Partiit amerlanerussuteqartut tusagassiorfinnut nalunaarutaanni piumasarineqarpoq Danskit *Naalakkersuisui peqatigalugit suliassat piaartumik aallartinneqassasut. Tamannalu Naalakkersuisutta piaartumik kinguarsaanertaqaangitsumik aallartitariaqarpaat. Tassami illersorneqarsinnaangilaq meeqqat angajoqqaaminnik sumiginnakkat, aammalu kinguassiuutimikkut atorerlunneqartut kigaappallaamik sullinneqarnerat isiginnaaginnassallugu. Naalakkersuinikkut suligasuartoqarnissaa inassutigaarput.*

Piomasaaqalli Inatsisartuni amerlanerussuteqartut kissaataat malunnarpoq Naalakkersuisunik malikkumaneqangitsoq, tamannalu piomasaaqaat ersarilluinnartoq Naalakkersuisutta paasereerlugu suli manngertitaarnerat ilungersunartutut tiguarput, oqarmatami ikiunnissat Danmarkimiit kingullerpujussasut. Naalakkersuisut oqariartuutaat isumaqarluinnarpugut inuit pineqartut pillugit akuersaarneqarsinnaangitsoq.

Partiit atsiqatigiittut pisariaqarsoraat immikkut ilassutinik aningaasaliisoqassasoq. Meeqqat atugarliortut ikiorasuarneqarnissaat aamma Danskit naalakkersuisui peqatigalugit aningaasaleeqatigiissinnaaneq periarfissarsinneqassasoq inassutigaarput.

Nalunaarummi oqaasertani issuaaneq aallartippoq ”Tasiilami nunaqarfiinilu kinguaassiuutitigut pinerluttuliornerit 193-it ukiut pingasut kingulliit ingerlaneranni nalunaarutigineqarput. Meeqqanut kinguaassiuutitigut pinerluttuliornerit 20-it siorna nalunaarutigineqartut, kinguaassiuutitigut pinerluttuliornerit 15-it maanna suliarineqarput. Tasiilami meeqqat pingasuugaangata ataaseq



partii naleraq



DEMOKRAATIT



kinguaassiutitigut atonerlunneqartareersimasuuvoq. Meeqqat marluugaangata ataaseq kommunimi isumaginnittoqarfimmi suliasannqortinneqarsimasuuvoq” Issuaaneq naavoq.

Tassuunaannarlunnit takusinnaavarput pissutsit qanoq ilungersunartigisut meeqqat atugaat saqqummiunneqartut pillugit, sulilu aamma qularnanngilaq tamarmik qulaarneqanngitsut ilanngukkaanni amerlanerujussuussasut. Aammalu nunap sinnerani pissutsit pitsaanerunngitsut naammattoorneqartarput, tamakkulu tamatta akueriunnaarlugit Naalakkersuisunut sulinerit sukkanerpaamik aallartitsissasut piumasarisariaqalerparput.

Akuersaarneqarsinnaanngilaq Nunatta Naalakkersuisuisa ikiorsiinissaq pisariaqanngitsut nalilersorlugu itigartitsisaqattaarnerat, tamanna akisussaasuseqanngitsuliornerusoq isumaqarpugut. Meerartagut taamak ajornartorsiummik annertutigisumik eqqorneqarsimagaluartut Naalakkersuisut suli ikiorneqarnissaannut itigartitsisaqattaarmata, taamaaliorneq akuersaanngilarput piaarnerpaamillu ikiuukkusullutik saaffiginnissimasut ilanngutsinneqartariaqalerput.

Ilaatigullu Naalakkersuisoq tusagassiorfinni imatut oqaluppoq. Issuaaneq aallartippoq ”Isumaqaanngilaq avataaninngaaniit tikittut, innuuttaasut taamatut sullississagunikkit, isumaaruttarpoq, qimagunnerit tamaasa takujuannarparput, ajornartorsiut taannaajuaannartarpoq. ”Issuaaneq naavoq. Aammalu ingerlaqqippoq Issuaaneq aallarteqqippoq ” Tassangaannarsuaq iliuseqarnissaq takorlooruminaatsittorujussuarput suussanersoq. Paasinaguluunniit sukununa pisariaqartitsoqartoq. Nalunngilarput meeqqat inuusuttullu, imaluunniit ilaqutariit, immikkut ikiorsiiffiqineqartariaqartut, taakkua kommuniminngaaniit ilisimaarineaqqissaarput”Issuaaneq naavoq, taavalu ingerlaqqippoq Issuaaneq aallartippoq ” Taamaattumik Naalakkersuisuninngaaniit partiininngaaniillu oqaannarluta ’qaa ikiorniarsigit’ sunik sumullu ikiuinissaq sammissanersoq sammeqqaarnagu takorlooruminaatsipparput. Issuaaneq naavoq

Tupinnaqaaq naalakkersuinikkut Peqqissutsimut Isumaginninnermullu Naalakkersuisoq taamatut oqalussinnaamat. Tassami isumaginninninermi aqutsisoqarfimmi Namminersorlutik oqartussat ataanni pissutsit naluneqanngillat ilisimaneqarluarput. Taamaattumik oqartoqarsinnaanngilaq paasinaguluunniit sukununa pisariaqartitsoqartoq” ikioqqusinnaanngilagumik oqaannartoqarsinnaanngilaq.

Meeqqat inuusuttut aamma ilaqutariit ajornartorsiorput, allaat ilaat inuunermi innarlugaarujussuarlutik inooqataallutik ingerlalersimasut, siunissamat neriutaarussimapput. Tamakkuukua takusinnaallugit isumannaanerusumik inuuneqalernissaannut aqutissiuussinnissaq anguniarlugu ilungersuukkgit ikiortariaqavimmata.

Piffissami kingullermi aamma innuttaasut Qeqqata kommuniani tassa Sisimiuni ajoraluartumik imminortaqaattaarnerit akulikitsuaqqamik tutsiuttalerput, tamakkua ilanngullugit kommunit peqatigalugit suliniutit sakkortusartariaqalerput, taamaattumik ikiorneqarnissarput pisariaqartitsipparput. Tassami ikiorseerusuttut aamma itikkaatsinnavillugit pigutta, taava ajornartorsiutit poortuinnarlugit ingerlalersimassaagut ilagut pisariaqartitsisut tunulliullugit.

Taamaattumik inatsisartuni partiit amerlanerussuteqartut Naalakkersuisut piumaffigaat piaarnerpaamik ikiuttoqarnissaanut suliniutit aallartinneqassasut. Taamaattumik Naalakkersuisut Danskil naalakkersuisuinut piaarnerpaamik saaffiginnissasut ikiorneqarnissarpummi takunngitsuusaarsinnaanngimmassuk attaveqaaqullugit piumasaraarput.



partii naleraq



DEMOKRAATIT



Innuttaasut atugaat pitsaanerulissappata taava aamma inissaqarnikkut illussaqaarniarnermi immikkut aningaasaliinissat, aammalu suliffissaqartitsiniarnermi aningaasaliinissat ilanngullugit suliarineqarnissaat kissaatigaarput.

Tassami inuusuttorpassuit ilaqutariillu inissaaleqisut aammalu suliffissaqaqngitsut inuunermik pitsaanerumik alloriartissagutsigit tassuuna aamma ersarissumik Naalakkersuisut iliuuseqaqqullugit piunasaqarfiginiarpagut.

Aningaasanik amerlanerusunik aningaasaliinissaq ilanngullugu suliarineqassasoq kissaatigalugu oqaatigissavarput.

**Pisortanut aningaasatigut allaffissornikkullu kingunerisassai:**

Siunnersuutip suliarineqarnerani - oqaasertaliorneqarnerani saaffiginnissutip - naatsorsuutigineqarpoq Kommuneqarfik Sermersooq taamatullu Naalagaaffik peqatigalugu qanoq ikiorserneqarnissaq pitsaanerpaatut inissikkumaartoq. Allaffissornikkut isumalluutit Naalakkersuisuniit isumagineqarumaarput, taamaattumik naatsorsuutigineqaqngilaq qaammatit qulingiluat qaangerneqarsinnaasut.

Uani Naalagaaffimmiit aningaasartuutitigut takkuteratarsinnaasut pineqaqngillat aammalu allaffissornikkut ikiorsiinermi kingunerisinnaasai, siunnersuut Naalakkersuisunut saaffiginninnerummat.

**Namminersortunut aningaasatigut allaffissornikkullu kingunerisassai:**

Soqaqngilaq

**Innuttaasunut aningaasatigut allaffissornikkullu kingunerisassai:**

Soqaqngilaq

Hans Enoksen

Randi V. Evaldsen

Mùte B. Egede

Sivert K. Heilmann

Tillie Martinussen